

18.06.2020թ

ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 392132/03-Վ
ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ**

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով 18.06.2020թ թիվ 23288 վարչական իրավախախտման վերաբերյալ գործը,

ՊԱՐԶԵՑԻ

Ա/Ձ Գոռ Պապյանը (ՀՎՀՀ՝ 30944952, Հասցե՝ ք.Ստեփանավան, Րաֆֆու 18, 4) ՀՀ Հարկային օրենսգրքի 156-րդ հոդվածով սահմանված ժամկետում չի ներկայացրել **2020 թվականի հունվար ամսվա եկամտային հարկի հաշվարկը**, ինչի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Վարչական վարույթի շրջանակներում կողմին փոստային ծառայության միջոցով ծանուցագիր է ուղարկվել վարչական իրավախախտման վերաբերյալ արձանագրության կազմմանը և գործի քննությանը մասնակցելու համար, սակայն 20.04.2020թ-ի դրությամբ ծանուցագրի ստացման փաստը հավաստող ապացույց առկա չի եղել:

ՀՀ ՊԵԿ իրավաբանական վարչության պետի կողմից համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի 20.04.2020 թվականին կայացվել է վարչական վարույթը կասեցնելու մասին թիվ 392132/03 որոշումը:

Կողմին հայտնաբերելու նպատակով ձեռնարկվել են համապատասխան միջոցներ: Գործում առկա չէ գրավոր առարկություն կամ բացատրություն:


ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ Գոռ Պապյանի կողմից 2020թ.-ի հունվար ամսվա եկամտային հարկի հաշվարկը ներկայացվել է 21.02.2020 թվականին՝ մեկ օր ուշացումով:

Ելնելով վերոգրյալից և նկատի ունենալով, որ հաշվարկը ներկայացվել է մեկ օր ուշացումով՝ 21.02.2020թ.-ին, ինչպես նաև հաշվի առնելով այն հանգամանքը, որ Գոռ Պապյանը վերջին մեկ տարվա ընթացքում չի կատարել իրավախախտում, ուստի ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ, 244², 281 հոդվածներով և 282 հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասով՝

ՈՐՈՇԵՑԻ

1. Գոռ Պապյանի վերաբերյալ հարուցված թիվ _____ վարչական վարույթը վերսկսել:
2. Գոռ Պապյանին ազատել վարչական պատասխանատվությունից և հայտարարել բանավոր դիտողություն:
3. Գոռ Պապյանի վերաբերյալ հարուցված թիվ _____ վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



ՄԱՍԿԱՆԱԿԱՆ